



Broj : 04/1-sl/17
Ilijaš, 12.10.2017. godine

OPĆINA ILIJAŠ
Stručna služba Općinskog vijeća i općinskog načelnika
n/r Sekretara OV Ilijaš

PREDMET: Vijećnička pitanja i inicijative-

Na 12. sjednici održanoj 28.09. 2017. godine postavljena su sljedeća vijećnička pitanja i inicijative:

DAMIR FILIPOVIĆ- vijećnik SDP-a

Pitanje:

Molimo vas da nam dostavite spisak firmi koje su sklopile ugovore sa općinom Ilijaš u iznosu većem od 6.000, 00 KM po osnovu Zakona o javnim nabavkama BiH od avgusta 2016. godine do avgusta 2017. godine sa upisanim iznosima za svaki zaključen ugovor? (Odgovor tražim od Agencije za javne nabavke).

Odgovor:

Vaš zahtjev je proslijeđen Agenciji za javne nabavke. Odgovor Agencije u prilogu.

Napomena:

U skladu sa članom 2. Uputstva o objavi osnovnih elemenata ugovora i izmjena ugovora ("Sl. Glasnik " br: 56/15) Ugovorni organ , nakon što dostavi izvještaj o postupku javne nabavke Agenciji za javne nabavke, dužan je na svojoj internetskoj stranici, ako je ima , objaviti osnovne elemente ugovora za postupak javne nabavke, kao i sve izmjene ugovora do kojih dođe u toku realizacije ugovora.

Objava se vrši na obrascu koji je sastavni dio navedenog Uputstva.

U skladu sa članom 4. Uputstva o objavi osnovnih elemenata ugovora i izmjena ugovora podaci iz člana 2. ovog uputstva za svaki pojedinačni ugovor se ažuriraju najmanje svaka tri mjeseca i moraju biti dostupni na internetskoj stranici ugovornog organa najmanje tri godine od datuma potpune realizacije ugovora/okvirnog sporazuma.

U skladu sa gore navedenim , općina Ilijaš , redovno vrši objavu svih sklopljenih ugovora na svojoj Internet stranici.

SEAD ŠEHIĆ- vijećnik SBB-a

Pitanje:

Na zahtjev grupe građana Donje Karaule, postavljam sljedeće pitanje:

1. Kada će u naselju Donja Karaula , općinske vlasti postaviti tri stuba i tri sijalična grla? Naime, kako građani ovog dijela Donje Karaule navode da im je to obećano prije godinu dana, također sumnjaju da zbog toga što su prognanici sa područja Sokoca i Vlasenice nisu u prioritetu rješavanja svojih problema. Kako navode, Ilijaš su odabrali kao svoju opštinu življenja, međutim sve više sumnjaju da su građani drugog reda. Stoga vas mole da ispunite njihove zahtjeve kako ne bi poduzimali radikalne mjere, odnosno proteste. Također su zahtjevali da navedem i njihova imena:

- Bulbul Halid, Bulbul Hamdija, Klico Šahim, Klico Adnan, Arifović Zada, Šabić Nuraga, Kulić Asim ,Kulić Zuhdija, Oruč Ramiz i Oruč Jasmin.



Odgovor:

Izgradnja rasvjete je definisana kroz Operativni plan Općinskog načelnika za 2017. godinu i realizovati će se u skladu sa dinamikom Plana izvođenja radova i raspoloživim sredstvima Budžeta Općine .

S poštovanjem!

Služba za privredu, finansije i investicije